



KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO

PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA

Por. br.: 01841358, Mat. br.: 20187646, Općinski sud u Sarajevu, rješenje broj: 065-0-Reg-21-005229

Sjedište: ul. Jaroslava Černija br. 8, tel: 033 237-655, 033 447-741, fax: 033 440-658, www.viksa.ba

Pogon Vodovod tel: 033 532-430, Pogon Kanalizacija tel: 033 668-260 PDV-IB: 200151950004, ID: 4200151950004

Broj: 7401/23

Sarajevo, 12.10.2023. godine

Na osnovu člana 112. stav (1) Zakona o radu ("Službene novine Federacije BiH" br. 26/16, 89/18, 23/20 - odluka US, 49/21 - dr. zakon, 103/21 - dr. zakon i 44/22), člana 47. Statuta KJKP "Vodovod i kanalizacija" d.o.o. Sarajevo br. 2317/22 i člana 126. Pravilnika o radu KJKP "Vodovod i kanalizacija" d.o.o. Sarajevo br. 2810/22 i 6R-06/22, odlučujući o zahtjevu od 09.10.2023. godine, donosim:

RJEŠENJE

I - radniku KJKP "VIK" d.o.o. Sarajevo, odobrava se jednokratna novčana pomoć zbog teže bolesti radnika u ukupnom iznosu od 3.798,00 KM.

II - Nalaže se Službi za računovodstvo i finansije da jednokratnu novčanu pomoć iz stava I ovog rješenja uplati na transakcijski račun radnika.

Obrazloženje

Dana 09.10.2023. godine radnik se obratio se zahtjevom za isplatu jednokratne novčane pomoći zbog teže bolesti, uz koji je je kao dokaz o bolesti priložio Izvod iz medicinske dokumentacije JU Dom zdravlja KS OJ Stari Grad broj 36/23 i Otpusno pismo KCUS-Klinika za kardiovaskularnu hirurgiju br. 410/23 od 24.07.2023. godine.

Zahtjev je osnovan iz razloga kako slijedi:

Odredbom člana 96. stav (3) i (4) Pravilnika o radu KJKP "VIK" d.o.o. Sarajevo br. 2810/22 i 6R-06/22 (u daljem tekstu: Pravilnik) određeno je da u slučaju dijagnosticiranja teže bolesti radnika ili člana njegove uže porodice, radnik ima pravo na jednokratnu novčanu pomoć u visini tri prosječne neto plate isplaćene u Federaciji BiH prema zadnjem objavljenom statističkom podatku Federalnog zavoda za statistiku, i to u slučaju sljedećih bolesti: akutna tuberkuloza, maligna oboljenja, endemska nefropatija, hiruška intervencija na srcu i mozgu, sve vrste degenerativnih oboljenja centralnog nervnog sistema, infarkt srčani i moždani, oboljenje mišićnog sistema i paraliza.

Uvidom u priloženi Izvod iz medicinske dokumentacije i Otpusno pismo nadležnih medicinskih ustanova poslodavac je utvrdio da je radnik bio podvrhnut hirurškoj intervenciji na srcu, pa je radnik na osnovu člana 96. Pravilnika ostvario pravo na jednokratnu novčanu pomoć u visini od 3.798,00 KM što predstavlja iznos od tri prosječne neto plate isplaćene u Federaciji BiH prema zadnjem objavljenom statističkom podatku Federalnog zavoda za statistiku.

Slijedom svega naprijed iznesenog odlučeno je kao u dispozitivu.